



832344

傳書樓詩稿

四勿齋藏版

序

余於茗上陳子無軒交契垂二十一年無軒學養深粹生  
平慎許可獨時時稱其鄉之詩友汪子靜圃不置余自  
黜官後倦遊燕蘄息影西泠羅雀之庭如聞足音而喜  
靜圃違衆絕俗訪余於僻巷之中相見握手歡如舊識  
觀其言論風采真氣盎然不假雕飾間復詩筒往來亦  
且款曲備至知其力學篤行固深有見信於無軒者今  
年春靜圃書至寄示其 贈母金太安人傳書樓詩稿  
及其 大父復亭先生所作家傳屬爲序言弁之卷首

傳書樓詩稿

序

一

俾付剗劂余受而讀之竊歎 太安人之齋志沒地而  
靜圃之用心爲不可及也方 太安人稱未亾時靜圃  
尙在孩稚族人之覬遺產而蓄陰謀者虎視狼貪直以  
寡婦孤兒爲几上肉耳 太安人於憂危盤錯之際宣  
鬱達情形諸篇什一以沈痛真摯出之其他賦物寄懷  
之作類皆發抒至性不以妃青儷紫擅長所謂松桂媿  
其堅貞冰蘖同其清苦令百世而下誦其詩者莫不愀  
然以悲油然而感語云詩三百篇皆聖賢發憤之所爲  
作者意在斯乎而靜圃以單門多艱之身撐拄承家自

少及壯其追慕之切搜集之勤獨能於數十年後守其遺稿用授梓人以光先德節母之生必爲孝子天之報施善人其理固當如是猶憶昔年於無軒案頭偶見靜圃菊花十二絕吳興竹枝詞寄託自深波瀾莫二益信淵源有自得之慈訓爲多以視世之墮棄先業老大傷悲度父書而卒不能讀者其於爲人賢不肖何如也序成報書歸之并質無軒其亦以余爲知言否

乾隆五十有八年龍集癸丑春仲下澣真州瓠園居士

鄭澧謹序

傳書樓詩稿

序

二

序

予昔官京師得與浙中士大夫遊每樂道其鄉里才媛其尤才且賢構掇家難死而爲世所稱道者則有吳興汪母金太安人焉丙午夏余奉

命來守是邦郡之名下士日相接而嗣君靜圃與子有同門誼相知爲深備述其母夫人苦節益信向所聞於日下者弗虛也今母夫人下世已四十餘年矣靜圃仰承前志飭躬敦行尤篤念母夫人一生茶苦輒涕隨言下比者袖出一編曰傳書樓詩稿則母夫人之所作也

傳書樓詩稿

序

三

受而讀之哀集計百篇古今體畧備蓋幼聽姆教總角從師觀其事雙親友姊氏則賢女也觀其孝姑孀相夫子以至悲失所天支持門戶力排家難則賢婦也惜乎天不與年不及見遺孤成立而德行兼備俾後嗣克享其成則又蔚爲賢母其他卽景抒情感懷賦物迄未有無所爲而言者均得性情之正豈玉臺香奩之作所可方駕也乎靜圃將謀劄刷請序於余予維表微闡幽以之貞教維世太守職也如靜圃母夫人者固當光諸史乘流譽寰區不徒以才媛目之而靜圃不匱之思亦將

於是乎在是爲序

乾隆歲次癸丑荷月上澣知湖州府事西蜀雷輪頓首  
撰

傳書樓詩稿

序

四

序

夫采風先南國之詩文藝不遺閨秀家乘著北堂之集  
詠歌俱是孝思夙韜香茗之才季蘭識遠善表金萱之  
美寸草心長如汪母金太安人傳書樓詩稿者可以述  
焉思夫翠雞入夢生有奇徵黃鵠早歌身嬰小叔白髮  
二老青燈一孤力瘁承祧災消敞室緒抽哀而似繭字  
灑淚而皆珠然而松操同欽荻書未見鏡鸞孤咽音過  
耳而無存織女有章彩隨風而遽化蓋素娥不留迹人  
間瑤草祇葆真空谷也汪子志彰先美苦訪遺音搜鏡

傳書樓詩稿

序

五

檻而赤水藏珍拾紡磚而吉光現羽稿攢夜雨幾血淚  
之成團綺結餘霞復曇雲之幻影始則守身志潔掩文  
明而內職彌敦繼也揚善功多本孝慈而詞華益貴吾  
因之有感矣觀夫才人不乏埽眉進士每稱不櫛然或  
鳴雌自詡步幃爭誇書紛青鳥之傳牋比飛花之落直  
想官高學士居然盟廁騷壇不知出柵無言華釧非爭  
名之具閑家有則紫表亦傳世之資節標貞柏瞻從陟  
屺而彌尊香表幽蘭采自循陔而愈遠斯之光高紫石  
韻夏青琳詎不巧陋璇機榮多花蕊也乎卷中書懷詠

物不外家庭刻翠裁紅頗殊闐閣標勝於頌椒詠絮之  
間抗聲於淇水柏舟之上進於道矣傳可必焉僕也流  
連佳什緬溯芳徽賞音於字句之餘女相如敢稱同列  
稽行於彝倫之地宣文君必有後人

大清嘉慶二年歲次丁巳秋九月新安曹文埴拜撰



傳書樓詩稿

烏程 汪金順 德人

男尚仁編次

春草

冉冉低含霧，萋萋綠映波。深根敷葉茂，得氣傍階多。書帶前身認，池塘舊夢過。春暉猶未報，奈此寸心何。

新柳二首

穆穆金縷弄，新枝畫出江南。二月時水路曉寒，風似剪板橋春嫩。雨如絲，客心最怕長亭折。生意還憑短笛吹。

傳書樓詩稿

七

卻笑紅閨諸女伴，鏡中深淺鬥蛾眉。

天然態度最娉婷，拂盡官河又驛亭。一樹臨風何太瘦，數枝著雨未全青。穿鶯無力低春水，棲燕含情蘸渚萍。根種久傳天上貴，肯教飛絮作飄零。

試茗

出焙金芽帶露光，石泉新火試烹嘗。風吹霞腳初沈碧，水漾雲華乍透香。六腑潤堪消病渴，一甌清許沁詩腸。桐陰滿地深閨靜，苦後餘甘味最長。

學繡二首

曉起春風度畫簾  
晝長綵線手頻添  
裁紅剪翠終餘事  
一笑何如織布縑

髻年失恃痛長存  
衣上模糊有淚痕  
努力買絲先繡佛  
瓣香添炷報慈恩

古硯

精采深韜體質完  
休論龍尾更豬肝  
碧雲帶雨貯春潤  
紫玉凝烟生晝寒  
紫几香清人共坐  
彩毫銘就墨初乾  
白頭珍重當年賜

硯爲學吟時大人所賜

磨拭朝朝匣裏看

庭中新月敬和 大人韻

傳書樓詩稿

八

隱約俄看碧宇流  
娟娟忽復上高樓  
露涼窗裏誰描黛  
風定波心自下鉤  
關塞共隨千里影  
星河初澹一分秋  
長生願乞姮娥藥  
歲歲清輝照白頭

梧桐

本系龍門種  
分來小院栽  
葉鏤蟾影碎  
風引鳳條開  
花落飄金井  
陰濃罩碧苔  
不因焦尾後  
那識是琴材

對月四首

重簾初捲篆烟香  
冷澹銀蟾皎潔光  
秋月勝於春月好  
沈寥天氣夜方長

一片琉璃碧海橫畫欄徙倚意難平姮娥縱使貪仙去  
肯就人間竊藥名

水雲鄉裏色蒼茫七寶脩成玉宇涼徑欲乘風天際立  
廣寒深處聽霓裳

金波是處瀉盈盈望裏烟雲畫不成知己劇憐青女獨  
寒螿更與奏商聲

洗硯

閨中春晝靜餘情涉文史古硯琢端溪寶護瓊玉似貯  
以琉璃匣一望雲光紫爾性愛雅潔那受纖埃滓偶因  
傳書樓詩稿

九

女紅閒滌向寒泉水隱約青花潤的皦金星起致虛守  
更堅居默質逾美拂拭自晶瑩好侍黑松使

讀孝經有感

百行先存孝遺經萬古崇聖門由小學天性本孩童願  
我慙爲子親恩報未窮十年感風樹展讀不能終

母氏忌日二首

寂寞深閨裏回頭重憶親百年俱是恨多病尙餘身畫  
像神光接羅衣手澤新梨花一夜雨偏若助酸辛  
惻惻心猶痛潛潛淚欲枯呼天終莫及生女不如無泉

下魂憐隻堂前影弔孤何年能反哺忍聽夜啼鳥

寒甚

兩住風尤緊陰重寒更嚴預占天釀雪時見雀爭僭歌  
炭頻添火蝦鬚鎮下簾餅梅自無恙香味尙留甜

梅花絕句

數點寒英雪外明獨傳高格歲崢嶸最宜鐵石摹枝幹  
底事腸迴宋廣平

春日獨坐

寒色墮庭空春陰約畫籠蝶捎花外雨鶯妥柳邊風獨  
傳書樓詩稿

十

坐神逾澹清吟句未工捲簾驚月上猶是半朦朧

柳

細柳千絲嬾寒烟一抹生小橋陰乍合官道雨初晴翠  
帶娟娟淨黃鸝故故鳴撫心松柏古不羨爾輕盈

題管夫人畫竹

墨妙由來數仲姬閨房靜對寫風枝王孫若解凌霜節  
合署鷗波老畫師

自寫墨菊偶題二首

霜蕊斜整滿籬間那必圓花玳瑁斑知汝淡如人意淡

寫成好與伴清閒

稜稜晚節影扶疏。秋思蒼然入畫圖。當日石家園裏景，不知曾有此花無。

古鏡

不識何年鑄碧金。僊字完玉臺。菱影動寶匣，月光寒。分處偏憐鵲愁來莫問鸞。中心原皎潔，豈待拂塵看。

古松

庭前松樹子天矯。似虬蟠雷火留根。鬱冰霜抱節寒聲。從風外聽影向月中看。惟有堅貞性丹青畫出難。

傳書樓詩稿

十一

萱花

爲是忘憂物栽培手自親。看花翻有淚不見北堂人。

對雪

坐久不知夜時聞。折竹聲頓添高閣迴轉。覺暮寒生片。片穿簾入霏霏。點硯輕謝家工作賦。風絮企才名。

育蠶詞十首

鳴鳩谷谷樹頭呼護種。人家禁忌拘忽聽鄰孃相笑語。把蠶今歲又三姑。

陌頭桑葉茁芽條。穀雨晴來第幾朝。門巷無聲人跡斷。

柳陰閒鎖碧溪橋

窗前黃紙貼蠶符  
少婦攜筐傍老姑  
桃火炙殘紅日暖  
綠槐檐底看攤烏

連朝愁雨又愁風  
七里村中出火同  
新婦莫愁宣夜短  
一年生計在蠶功

青裊兩兩踏芳隄  
桑樹參差一色齊  
日暮歌來人不見  
綠陰閒倚采桑梯

風雨聲喧食葉時  
垂簾生怕曉風吹  
吳蠶眠去桑姑醒  
夜半挑燈見攬絲

傳書樓詩稿

十三

清清茗雪小澗洞  
婀娜柔柔到處栽  
日暮滿江飛四集  
凌波塘外販鮮來

繭滿山頭白雪盈  
望中花竹格縱橫  
老翁看火壁邊睡  
林外灼山啼數聲

繅車聲裏晝晴和  
市上新絲重合羅  
恰喜今年蠶室利  
同功推出本無多

山頭時聽一聲雷  
幾處陂田麥作堆  
來日抱絲進城去  
要防阜蓋下鄉來

思親二首

相隨形影悵前塵少小堂前聽睹真誠重一言歸儉樸  
禮欽三黨尙和醇絳紗課讀傳經舊白雪聯吟琢句新  
髣髴慈容來夢裏愛憐頻與說酸辛

道遠猶悲膝下離泉臺况復見無期自憐朝菌生何補  
欲報春暉恨已遲掩淚忍教開手澤招魂空爾賦騷詞  
祇應續火寒窗底長把遺篇誦左思

皆綠亭小坐二首

一塵飛不到吾亦愛吾亭花晚思晴豔松寒滴雨青石  
痕時戴薜池影忽開萍把茗風中坐閒繙種樹經

傳書樓詩稿

三

捲幔餘香入憑闌衆綠圍林深悅鳥性波定息魚機詩  
向閒中得心將靜處依平生瀟澹意偕隱慕前徽

早秋夜作

一葉階前下碧桐水晶簾外嫩涼通蟬吟冷咽高枝露  
螢照低移小扇風欹枕病逢秋乍減看雲心與水俱空  
疏慵卻媿東鄰女織素窗中見火紅

秋夜有懷姊氏

空閨聞落葉天地入秋深况乃中宵雨因之遠別心漏  
長孤夢杳江闊短書沈忽聽南征雁離羣感自今

送夫子省試

又是槐黃候扁舟赴棘闈鯉將衝浪躍鵬欲破雲飛白  
髮心殊切青燈願豈違衡文清慎地未必竟知希

課婢織布

婦事脩織紉女紅乃先務惟勤可補拙何辭朝復暮機  
杼鳴東廂軋軋寒宵度早晚積成匹愛此霜縷如義同平聲  
汝曹各勉旃慎勿憚勞苦拋梭莫織錦巧多翻致誤治  
絲莫刺繡風奢亦所惡惜物養餘力以儉守吾素功麤  
用合宜無斃莫如布

傳書樓詩稿

古

送南州姑氏回清溪二首

款住眞無計愁聽折柳辭背人含淚眼屈指問歸期筆  
墨憐同志心情託素知一帆溪上去百里亦天涯  
亦知非遠別轉覺送君難把盞心先醉留題墨未乾夢  
應勞寤寐書望報平安直爲憐多病臨岐苦勸餐

菊花二首

西風寂歷冷秋光乍見東籬幾朵黃好種移多從老圃  
名花開晚過重陽自甘辛苦存高節天與清寒壓衆芳  
好共幽蘭成伴侶託根原合近柴桑



灌水連筒日夕澆瓦盆位置遠蓬蒿千秋好景存陶徑  
一種佳名入楚騷久閱繁華心已澹縱經霜露格彌高  
西風落葉多秋思作頌無才筆自勞

盆中小松

瓦盆數尺託根深長愛青青一片陰不到歲寒風雪裏  
人間誰識後彫心

對雪和清溪徐太夫人次東坡先生北臺韻二首

空庭何處著塵纖萬籟收聲朔氣嚴耐冷人如霜後菊  
坐禪心似水中鹽濃飄竹影低垂砌飛逐梅花亂點檐  
傳書樓詩稿

五

多少無衣愁卒歲重繇猶怯晚風尖  
朝來誤喜報晴鴉依舊重陰掩日車粉本雲山開畫稿  
白符芝采現空花剡溪烟冷人迷棹孤嶼天寒鶴返家  
欲望高樓簾未捲小鬟呼取玉鴉叉

窪樽亭

李相浮觴地風流亙古今荒亭存彷彿佳日此登臨樹  
色留春暗天光向暮陰扁舟回首望叢竹有清音

碧浪湖

一碧開霜鏡紅塵到此無雲容寒接樹山翠遠分蘆沙

鳥凌空沒風帆望裏孤日斜波定處倒影臥浮圖

寄姊氏太倉

惠好原同氣分飛悵各天夢來難識路書到動經年藥  
草緣工病天花早悟禪當時詩譽美曾記小山篇

寄夫子都門二首

西風江上急疎砧手製征衣入夜深漬有淚痕休澆去  
相看猶見別時心

未可頻年戀宦遊作忠移孝重貽謀采蘭好補南陔句  
堂上雙親欲白頭

傳書樓詩稿

六

種菊

菊品本高潔佳名署冷香孤叢傲霜餘置我籬落旁春  
雨時積潤發苗三寸強攜鋤築新泥兩兩分成行小葉  
旣漸翠靈苗亦復長早晚勤灌漑蠹蝕時周防憔悴強  
扶持勿使本性傷我生酷愛菊謂是凌寒芳高人不復  
返三徑多荒涼心清得味苦瘦影存柴桑羞彼桃李花  
徒然媚春陽惟君堅晚節與我聊相羊

秋雨夜有懷南州小姑清溪

聽盡荷池雨瀟瀟滴響清阿誰當此夜獨坐少離情寒

至秋將老愁多病易成西風何太迫吹雁助邊聲

送春

愁裏年光病裏身每逢春至倍愁人東風亂撲楊花影  
不信今朝又送春

追悼姊氏

班家經史左家詩曾向閨中憶昔時忽拆雁行驚斷影  
偏枯荆樹痛連枝月涵婁水魂應返潮落吳江夢豈知  
料是九泉依膝下爲君重念白頭慈

哭夫子四首

傳書樓詩稿

七

京華三載爲微名書報猶言病尙輕何意歸來卽長別  
慘看梁木一時傾

三世相依祇一人我生獨恨不逢辰憑棺長慟聲幾絕  
血淚模糊裏滿巾

酸風苦雨集寒門弔影瑩瑩少弟昆痛絕高堂兩白髮  
膝前惟此竹孫存

養性常攜三尺琴焚香靜鼓忘宵深伯牙去後金徽絕  
腸斷秋風別鶴吟

課婢育蠶

吾鄉號沃壤所倚蠶絲利陰陰桑柘繁尺寸少閒地女  
紅勤比戶而更勸蠶事汝輩獨何爲飽食但嬉戲不教  
誰之咎念之有餘媿穀雨日正長倉庚鳴鼓翅護種預  
擇吉勞勞未攸遂攤烏向微陽紙上如髮細連朝風日  
暖三眠三起次葉少畏蠶饑蠶多愁葉貴鼠耗旣須慮  
雨溼亦復忌箔上繭成堆喜聽繅車沸新絲納官稅餘  
絲衣可備婦人脩蠶織考古載周制我生值艱虞無敦  
恆自勵勤苦思用善安逸心乃肆諄諄爲爾誠力作何  
可廢民家一歲功治生半此寄

傳書樓詩稿

文

庭砌新苗一竹移植盆中

已具凌霜節還憐解籜新材成應異日手植更何人瘦  
影含風細清陰鏤月勻秋來如有筍爲爾倍思親

籬下見菊有感

三徑荒寒少鶴過晚香籬下自婆娑可憐花亦同人瘦  
閱盡嚴霜暮雨多

對鏡

訝許菱花碎還同月影寒任他塵網徧不忍對孤鸞

盆菊

瓦盆時澆水舊土細分科貴種何妨晚名葩不在多  
高人籬下近佳節雨中過但守孤芳老風霜任折磨

人日感作

麻衣如雪鎮隨身寂寞空閨不見春涕淚餘生原是鬼  
冰霜此日又逢人最憐佩劍空懸壁忍觀遺編已積塵  
我欲呼天歌楚些恐教堂上痛雙親

哭先姑金太宜人四首

西河抱痛與常殊老淚無多眼就枯誰道秋來風雨惡  
舊巢中夜泣慈烏

傳書樓詩稿

十九

苦心勗志上青雲端賴丸熊午夜勤忍見白頭重灑淚  
素箋自製祭兒文

天道茫茫豈敢論單丁兩世痛哀門老翁強作含飴樂  
傳硯方思范氏孫

每看零紙與殘縑鎮日懷恩淚暗添何事他求薦冥福  
墨花和去寫楊巖

食橘追憶先姑金太宜人

一樹離離照影圓經霜手摘憶當年傷心此日嘗新後  
懷袖無因奉九泉

夫子大祥

愁心祇許夜臺知，寒暑俄更兩載期。多病高堂垂暮日，  
單傳門戶就衰時。續將班史憑誰女，遺得韋經幸有兒。  
但撫微躬思盡瘁，千鈞難引強支持。

哭徐氏小姑六首

板輿花下奉高堂，憶共承歡似雁行。今日手調羹臛在，  
斷腸廚下倩誰嘗。

一病誰知無見期，篋中空剩字相思。傷心語共青燈照，  
猶記西窗聽雨時。

傳書樓詩稿

三

南州往歲賦于飛，分手猶憐見面稀。鐵馬丁東聞夜半，  
恍疑環珮月中歸。

深閨賡和幾年同，黛管長攜破繡工。此日謝庭空對雪，  
更無人擬絮因風。

才多命薄竟如斯，天道茫茫那可知。膝下伶丁憐弱女，  
哭君不獨爲無兒。

老姑病榻日摩挲，撥動前言愁緒多。六歲孤兒三歲女，  
重教王謝締絲蘿。

徐甥女來

老壽非吾願，聰明望汝成。思親心解痛，感事夢猶驚。淡  
泊留家範，殷勤見爾情。一燈相對坐，此夕慰平生。

月下看梅有感

暗香微動一枝開，猶記當年踏月來。惆悵裁花人去後，  
夜深孤鶴獨徘徊。

孤雁

一點秋雲外，飄零事已非。聞中驚落葉，江上薦征衣。風  
折行偏斷，天高響漸稀。惟知恩義重，誓不作雙飛。

病中感賦四首

傳書樓詩稿

三

孤生元是寄，况復病纏綿。愁極難埋地，心癡欲問天。垂  
簾惟默坐，欹枕未安眠。滴盡衣邊淚，何時到九泉。  
長夜難期旦，花開不當春。單門多難日，九死未亡人。世  
澤期貽後，高堂勉事親。燈前形共影，誰與話酸辛。  
轉覺身爲累，多愁病易淹。衣加春晝冷，窗避曉風尖。弱  
腕停刀尺，勞心數米鹽。肌膚消瘦盡，血淚漬猶添。  
茹蘖味彌苦，飲冰心亦寒。龍泉趨死易，虎尾立孤難。宛  
轉籌牀第，淒涼痛隔肝。恐傷老翁意，鎮日報平安。

書後

嗚呼此

先太安人傳書樓詩稿也 太安人生有異徵外大母  
夢雛鳳投懷乃婉幼而聰慧師外大母族人桐溪朱價  
城先生受孝經論語毛詩咸通其義女紅之暇惟喜讀  
書侍外大父崙圃公刊青邱清江諸集輒能成誦拈題  
吟諷風格老成外大父每奇之年十九歸

先君子中翰公孝尊章敬夫子理家政花晨月夕間及  
篇章迨 先君子早世旋搜家難血枯心瘁亦往往寄

傳書樓詩稿

書後

三

諸聲詩而不欲以韻語見長且以內言爲戒其所存者  
殆十之二三耳 尙仁甫九齡卽遭 太安人慘變及長

知求遺稿乃於鏡奩帶帙中集得百篇每一繙誦輒淚  
下涔涔而 尙仁年過五旬懼將失墜因付諸劊劊冀垂

後昆俾知 太安人以貞性至情發爲詞藻言懷託物  
致孝盡慈非漫爲塗澤者所可同年語也

乾隆五十有七年壬子春日男尙仁謹識



書後

先祖姑金太宜人傳書樓詩稿一卷先舅靜圃府君屬  
同里陳無軒先生焯選定手寫刊行并附以題辭一冊

當世士大夫爲詩文以闡揚懿行者不啻數百人唯長

洲李客山先生果所撰金孺人哀辭其序云節孝金孺

人吳之太倉人光祿寺丞金崙圃女也嫁烏程汪中書

曾裕翁部郎復亭姑金宜人卽崙圃姊愛孺人淑慎而

嗜書聘爲媳年十九歸汪相夫以儉事舅姑盡孝乾隆

乙丑曾裕官京師旣抱疾歸旬餘而歿逾年遭姑喪舅

傳書樓詩稿

書後

三

亦邁甚族有覬覦者獄起孺人籲官置之理而謀益肆  
憤與毀交積乃病病甚痛不能長奉舅甘旨且悲夫姑  
未葬子在弱齡淚涔涔下也於是族黨咸歎息以爲難  
此數語簡括明盡如騏驥一呼萬馬皆瘖矣至部郎府  
君諱照中書府君號雲溪入都服官在乙丑其卒則在  
丁卯五月崙圃先生諱檀雖居太倉而籍隸桐鄉嘗校  
注高青邱集世所稱文瑞樓本是也太宜人諱順字德  
人母夢雛鳳投懷而生承其家學故自幼能詩方家難  
之興先舅僅六歲太宜人肩之樓上去其梯每飲食必

先嘗而後與之始得免於毒害故病中感賦有句云龍  
泉趨死易虎尾立孤難皆哀辭所未及詳者又太宜人  
孀居三載卒於乾隆庚午正月年止三十當時以與守  
節已閱十五年以上或年四十而歿者得表其閭之例  
未符僅采其事蹟入府縣志迨咸豐初元乃以新例卽  
據府縣志所載得邀

旌表此則必當補書於冊後者也詩凡九十一首汪氏  
擷芳集沈氏別裁集阮氏兩浙輜軒錄陳氏湖州詩錄  
俱嘗入選江蘇詩徵亦選數首以爲吳縣人誤也

傳書樓詩稿

書後

孟西

咸豐癸丑三月孫婦趙綦謹識

元孫婿趙  
莘填謹

光緒四年戊寅夏六月曾孫曰楨重校刊於會稽學署

壽詩  
壽詩  
壽詩  
壽詩  
壽詩



序

女妘蘭畹夫子之伯姊也先舅靜圃公性喜詞賦命諸女讀書習吟詠惟蘭畹最慧爲先舅所鍾愛迨蘭畹歸董氏而先舅棄養遂輟不復爲夫子時方幼初未知其能詩也歲戊子蘭畹稱未亡人老懷慘怛始謂予曰吾少時好爲五七言近體非矜聲悅蓋以博堂上歡耳故三十餘年人無知者今欲藉此消遣子幸教我予唯唯謝不敏自是晨夕苦吟楮墨遂夥甫閱數載而遽永訣矣其子恂錄成一帙乞序于予並屬校閱乃篝燈點勘

壽花軒詩畧

序

一

去其繁蕪定爲一卷凡古今體詩四十八首嗚呼由此觀之世之自晦其才而泯沒不顯者豈少也哉使蘭畹終處順境必不復從事于斯然則存此數詩亦不幸中之幸矣道光癸巳冬十月弟婦趙葵謹序

壽花軒詩畧

烏程 汪懋芳 蘭畹

看月

誰將玉鏡挂雲端貪看清光久倚欄無奈夜深風轉急  
重添半臂禦輕寒

殘春率詠

半拓紗窗怯嫩寒侵階草綠惜春殘日長病起無聊賴  
信筆詩成愜意難

偶成

壽花軒詩畧

二

送得春歸一黯然小池又見放荷錢拂檐柳絮搖晴影  
挹座鑑香引晝眠咿啞黃雞唬竹外呢喃紫燕語花前  
斜陽欲暮渾無事活火新茶手自煎

首夏

四月清和尙薄寒風來水閣覺衣單新詩自詠無人和  
石銚閒烹小鳳團

四月將盡風雨猶寒率賦

晝日無人到清閒覺晝長雨餘桐葉潤風過楝花香蠶  
婦初收繭田夫未插秧兒童貪放學屈指盼端陽

梔子花

蒼筤濃熏一院香  
愛他映月白如霜  
世間有幾同心侶  
欲贈何人助曉妝

月夜口占

盈盈小兒女  
笑語相馳逐  
凌此好涼宵  
清輝照籬菊

雪夜遣興

又聽檐前折竹聲  
天寒眞覺敝裘輕  
圍鑪閒卻拈鍼手  
強欲哦詩句未成

歲暮有懷弟婦趙子逸

壽花軒詩畧

三

兩雪連番水又波  
薄暄氣漸轉陽和  
關心歲序催將暮  
瞥眼韶華去已多  
病起固應詩力減  
愁來不惜醉顏酡  
登樓無限相思賦  
就停雲一放歌

有感

書劍塵埋幾度秋  
那堪獨雁過妝樓  
嗟君先我騎鯨去  
何日同歸土一邱

夜雨無寐

急雨警愁眠  
孤燈復明滅  
卻憶九泉人  
忽忽三年別

秋日遣興

何處吹來一笛風  
消閒自課小兒童  
秋來稍喜身差健  
窗外薇花相對紅

中秋無月

牡丹生日又今辰  
底事嫦娥掩桂輪  
如此雨風如此夜  
可憐愁殺倚樓人

看菊

橘綠橙黃又一年  
閒看霜菊步籬邊  
蕭疏雅稱羅含宅  
玉蕊金英色正妍

鬻釵行

壽花軒詩畧

四

黃金琢成雙鳳頭  
良工當日精彫鏤  
妝臺伴我四十載  
明珠翠羽應相俦  
朝來無米豈得已  
把釵拚向豪家投  
豪家釵鈿貴新式  
見此故釵無喜色  
欲權子母計錙銖  
隨手納釵賤償直  
嗚呼寒閨一釵視  
如寶一旦棄之殊  
草草但得子孫清白  
守家風何惜一釵  
不能保

芙蓉花

叢叢冷豔小庭中  
可愛深紅開淺紅  
莫道此花開較晚  
好同黃菊媚秋風

喜仲弟見過

譁笑兒童報客來  
草堂恰喜菊初開  
貧家食品無珍味  
只有醇醪是舊醅

九日

花糕五色鬪新奇  
婦子團樂足自怡  
尊有綠醞籬有菊  
今朝何可竟無詩

偶成

衣食年年不易謀  
那堪歲歉減秋收  
全家八口原多累  
何術能消萬斛愁

冬日掃墓

壽花軒詩畧

五

歲月驚心春復秋  
荒村重到感松楸  
依依衰柳疏無影  
淺淺寒波澹不流  
宿草未青空灑淚  
鬢絲易白暗添愁  
一抔黃土人何在  
賸有兒孫拜墓頭

自述

喜長孫枝百事寬  
牽衣問字足承歡  
浮生肯向愁中老  
貧賤榮華一例看

冬日

陽和氣暖布貧家  
窗外黃梅已著花  
更有傲霜籬下菊  
客來今日酒應賒



寒夜書感

同雲漠漠夜悠悠病怯嚴寒仗做裘數盡殘更眠未得  
縫衣燈下奈無油

冬日雜詠

歲歉家貧不易支賴他子婦善撐持寒窗容我閒消遣  
自拂銀箋賦小詩

漫詠

我年逾六十耳聾目如故刺繡猶挑燈看花非隔霧坐  
此不能閒時復親毫素長吟更短吟聊以遣朝暮勿爲  
壽花軒詩畧

六

大雅陳誹笑吾滋懼倘逢嗜痂者或邀青眼顧

謝城姪送南天竹

經霜葉尙翠雲妍紅琢珊瑚顆圓令我膽瓶作清供  
一枝相對過殘年

蠟梅

磬口初開一樹金隔簾時有暗香侵也思索笑巡檐去  
瓶貌偏能稱素心

懷姪女念慈

十載隨翁作宦游傳來消息暗添憂七千里外歸難必

何日相逢話別愁

示孫女阿同

莫將歲月付因循好向明窗刺繡頻識得鴛鴦鍼線跡  
不難花樣自翻新

辛卯歲除憶寄女

記汝于歸兩載過一溪修阻抵關河光陰垂暮尤情切  
衡宇相望奈別何篝火鳴機攻苦慣袖羅倚竹耐寒多  
新年好挈嬌兒女來慰衰顏伴醉哦

寒夜偶吟有懷子逸

壽花軒詩畧

七

一燈相對坐吟詩卻笑吳儂老更癡如此米珠薪桂日  
要將風雅力禁持

著述窗前已等身羨君詩筆最清新傳書樓是吾家橐

嗣響從今有替人

聞將刻濾  
月軒集

十姊妹花

十萼蟬聯次第開連枝同氣本無猜從今多把臙脂買  
繪出閨人式好來

寓感

寒勒芳叢信較賒春風疑不到貧家塵埃陌上人如海

青眼誰看未放花

喜陸氏三妹來

喜極翻無語，衰顏子細看。  
殊方悲獨雁，一樣泣孤鸞。  
此會誠非料，重逢或恐難。  
臨行頻握手，那禁涕汎瀾。

三妹約明春再至

自歎頻番老病加，何堪小聚遽天涯。  
明年綠遍門前柳，許我重逢願恐賒。

恂兒自課元郎

阿元纔五歲，誦讀清鏘舊德能。  
無忝寒梅澤自長。

壽花軒詩畧

月季花

敷榮常見四時同，逐月花開淺淡紅。  
何懼嚴冬霜雪裏，高人原不藉春風。

哭姪女念慈

訃信遙傳引淚垂，珠沈玉碎損蛾眉。  
傷心最苦懷中女，薄宦提攜仗阿誰。

三月廿一日掃墓

莫道今年節候遲，春來日日雨如絲。  
長眠地下人知否，麥飯兒孫春祭時。

新晴

連朝苦雨喜初晴好鳥枝頭斷續聲料得芳郊花事始  
幾人春服已先成

病起作

老至惟耽靜清吟引興長安心勝服藥病肺怕焚香偃  
蹇誰相問衰遲我久忘生憎明鏡裏又見鬢邊霜

見紫藤有感

兩樹荆花損一枝看花是我斷腸時當年手植人何在  
相對東風淚似絲

壽花軒詩畧

九

聞笛

誰家閒品玉參差根觸愁懷只自知最愛童孫能解意  
拂箋索我詠新詩

米囊花

碎錦紛披勝彩霞庭前初放米囊花柔枝曼曼嬌無那  
絕似吳宮最小娃

日長

精力衰頽畏晝長盼他日影過東牆近來學得消閒法  
只向桃笙覓睡鄉

見燕

彩燕分巢變我廬  
銜泥啄草借梁居  
烏衣舊主休重問  
且向芸窗伴讀書

夏夜

黃梅雨過菱荷香  
水面風來白紵涼  
十二湘簾齊捲起  
一庭清露溼螢光

壽花軒詩畧

十

光緒四年戊寅季夏既望姪日楨重校刊于會稽學署

